

January 20, 2010

Nyob zoo cov tsaavxwm ntawm txhua pawg ntseeg,

Ntsablug: Rooj Saablaaj Txwm Xyoo 2010

Tsi nwm tub txug lub caij register rua rooj saablaaj txwm xyoo lawm. Uake nuav kuv thov qha rua peb txhua pawg ntseeg paub txug tej yaam tseemceeb kws yuav tau pib ua taamsim nuav moog txhaj yuav npaaj txhij rua lub sijhawm saablaaj.

Theme “Jesus Only”

Place

Grand Hyatt Tampa Bay
2900 Bayport Drive
Tampa, FL 33607
Tel: 800-233-1234
www.grandtampabay.hyatt.com

Registration

Vim xyoo nuav lub rooj saablaaj txwm xyoo pib ntuv dua txhua zag mas peb xaav kuas mej txhua pawg ntseeg paab koomteg hab xaa cov npe kws yuav moog koom rooj saablaaj tuaj rua HKM tsi pub dlhau nubtim 31st, lub 3 hlis xyoo 2010 sub lub 4 hlis cov Tsaavxwm HKM txhaj paub yuav xaiv tuabneeg ua dlejnum rua rooj saablaaj txwm xyoo.

Tug nqe registration tsi kim nwg nyob le qub kws ib leeg twg yog \$80.00 rua cov sawvcev, cov namtsev, hab cov txivtsev. Cov moog koom tshwjxeb yog \$50.00. Cov Registration Forms nyob huv Website lawm, mej moog print huv los tau.

Hotel Reservation

Thov qha rua txhua pawg ntseeg paub tas tug nqe hotel \$99.00 tuaj ib mos yog yuav tsum yog peb moog siv puab lub hotel txug le 85% mas txhaj yuav tau tug nqe nuav. Yog peb siv tsi txug 85% HKM yuav raug them cov tshaaj sau. Yog le ntawd, thov nquahu kuas txhua pawg ntseeg moog pw huv lub hotel kws peb tub reserve nuav lawm xwb. Yog pw puv lawm le maam moog rua saab nrau.

Ntxiv rua nuav thov nquahu rua txhua pawg ntseeg xob ca cov tswvcuab nyag taug nyag reserve hotel. Thov kuas cov tswvcuab txhua tug sau npe rua ntawm pawg ntseeg hab pawg ntseeg le maam ua tuab teg reserve xwb. Pawg ntseeg xob maaj reserve chaw rua cov kws tsi meej has tas yuav moog hab los tsi moog sub txhaj tsi muaj teebmeem le xyoo taag lug. Yog pawg ntseeg twg reserve chaw rua leejtwg lawm tabsis tug ntawd tsi moog, pawg ntseeg yuav tau kuas nwg them tug nqe rua hotel. HKM yuav tsi kaam leeg them.

Delegates

Cov sawvcev kws tuaj koom rooj saablaaj txwm xyoo yog cov kws raug taw lug ntawm pawg ntseeg hab yog cov xwbfbw kws tseem tuav license. Thov txhua pawg ntseeg taw cov kws yuav tuaj koom rooj saablaaj txwm xyoo yog cov txwjlaug kws tseem tuav dlejnum huv pawg ntseeg sub puab txhaj paub dlejnum zoo. Thaus tuaj saablaaj txhaj tsi nyuaj. Lawv le kevcai lijchoj, cov yuav tuaj koom rooj saablaaj yog raug taw (appoint) tsi yog xaiv (elect). Cov pawg ntseeg kws yog accredited church muaj cai xaa puab tug xwbfbw hab ob tug txwjlaug. Yog pawg ntseeg twg xyoo taag lug kev tshaabxu muaj tswvcuab tshaaj150 leej rov sau muaj cai xaa tau ib leeg ntxiv ntawm 100 leej. Cov pawg ntseeg kws yog developing church muaj cai xaa puab tug xwbfbw nrug ib tug txwjlaug xwb.

Kev Txhimkhu

Pawg ntseeg twg muaj kev txhimkhu xaav xaa tuaj rua lub rooj saablaaj txwm xyoo yuav tsum yog raug pum zoo ntawm lub rooj tsaavxwm ntawm pawg ntseeg hab xaa moog rua Thawj Tsaavxwm ntawm HKM ua ntej txhaj siv tau (Uniform Constitution for Districts of The Christian and Missionary Alliance, Article II, Section 1. District Conference).

Zaub Mov

Lub hotel nuav tsi kaam peb nqaa zaub mov moog noj huv hotel. Thov suavdlawg muab kev koomteg sub peb txhaj yuav nrhav tau hotel lwm zag. Ntxiv rua nuav puab muaj 3 lub restaurant nyob huv hotel. Puab xaav kuas peb moog paab noj sub puab txhaj tsi poob nqe rua lub week ntawd.

Shuttle

Hotel muaj free shuttle yuav tog peb ntawm tshaav dlaavhlau moog rua tim hotel. Mej moog tog ntawm qhovchaw kws shuttle tog tuabneeg puab yuav tuaj tog mej. Yog tsi paub hu rua lub hotel tug xuvtooj yog 800-233-1234

Muag Khoom

Ncu ntsoov, HKM lub rooj saablaaj txwm xyoo tsi yog free market kws yuav muag dlaabtsi los tau. Txhua yaam kws yuav coj tuaj muag yuav tsum yog tej yaam kws paab txhawb txuj kev

ntseeg hab kev koomteg ua Vaajtswv dlejnum xwb. Txhua yaam khoom yuav koj tuaj muag yuav tsum yog nwg pawg ntseeg nrug pum zoo hab suam npe rua dlaim ntawv muag khoom HKM txhaj yuav txais. Nwg tug kheej los yuav tau suam npe rua dlaim Rules and Procedures muag khoom hab. Nwg yuav tau xaa dlaim registration form tuaj koom rooj saablaaj hab dlaim Sales Application nrug rua dlaim Rules and Procedures for Sales nuav tuaj rua HKM tsi pub dlhau lub 4 hlis taag, HKM txhaj yuav npaaj tau rooj rua nwg. Yog leejtwg xaa tuaj lig HKM yuav tsi txais lawm.

Fwm ntawm Tswv Yexus lub npe,

Kx. Nom Lwm Kwm
Thawj Tsaavxwm HKM